

嬰童百問卷之九



虛羸

第八十一問

仲陽云。虛羸者。脾胃不和。不能乳食。致使肌膚瘦弱。亦因大病。或吐瀉後。脾胃尚弱。不能傳化穀氣也。有冷者。時時下利。唇口青白。有熱溫壯。身熱肌肉微黃。此冷熱虛羸也。冷者木香丸主之。夏月不可服。如有此症。則少服之。熱者胡黃連主之。冬月不可服。如有此症。則少服之。傷寒後虛羸者。竹葉湯主之。常服四君子湯。異攻散。參苓白朮散。主之。劑皆可服也。橘連

丸久服充肥兼服肥兒丸。

木香丸

治疳痢冷熱不調。五色雜下裏急後重。

黃連

淨二錢

木香

紫厚朴

薑製

縮砂仁

夜明沙

隔紙炒各二錢

訶子肉

煨二錢

右爲末粳米飯丸麻子大每十五丸乾艾葉生薑煎湯食前溫服下。

胡黃連丸

治疳勞疳渴乾疳

黃連

半兩淨猪膽汁浸一夜晒乾

括萎根

烏梅肉

杏仁

浸去皮尖

石蓮子

各二錢

右爲末牛膽汁浸糕糊丸麻子大每十五丸煎

烏梅薑蜜湯下又療蟲後附消渴方論式藥可

治疳渴及五乾疳

竹葉湯

治傷寒表裏俱虛及諸煩不安

石膏

二兩

半夏

四錢

人參

甘艸

各二錢

麥門冬

六錢去心

右剉散每服二錢水一盞青竹葉生薑各四片

粳米七十粒同煎嘔加竹葉生薑。

四君子湯

治榮衛俱虛臟腑怯弱不食泄利

人參

去蘆

茯苓

去皮

甘艸

白朮

各等分

右爲末每服二錢水一盞煎七分通口服不拘

時鹽少許白湯點服溫和脾胃進益飲食辟寒

邪障霧氣

異攻散

治吐瀉不思飲食溫中和氣及脾胃虛冷

人參

茯苓

白朮

甘艸

橘紅

木香

等分

右爲末每服三錢薑棗煎服一方去木香

參苓白朮散

治脾胃虛弱飲食不進多困少力煩滿痞噎心
忪氣喘嘔吐泄瀉及傷寒咳嗽此藥中和不熱
久服養氣育神醒脾悅色順正辟邪

白扁豆

斤半薑汁浸
去皮微炒

人參

去蘆

白茯苓

白朮

甘草

炙

山藥

各二斤

蓮肉

桔梗

薏苡仁

縮砂仁

各一斤

右爲末每服二錢棗湯調下小兒量大小加減

橘連丸

治瘦久服消食和氣長肌肉。

廣陳皮

黃連

各一兩
去鬚

右爲末。別研入麝半錢。用猪膽七箇分藥入膽內。將水煮候臨熟以鍼微割破以熟爲度。取出以粟米粥和丸如菜豆大。每服二三十丸。米飲下。量大小與之無時。

肥兒丸

治疳多因缺乳食肉太早以致肌肉消瘦

黃連

局方加肉豆蔻

陳皮

去白局方去此用木香

神麴

炒局方有史君子

麥蘖

炒各一兩加三稜蓬朮

白蕪荑

半兩局方用檳榔

川練子

一兩去核炒

右爲末神麴糊丸麻子大每服二十九空心米飲吞下。

快活丸

治脾胃虛弱雖進乳食則遲化而中滿嘔吐肚急面黃肚疼臟腑不調寬中快膈亦治大人十噎五膈並宜服之。

檀香

益智

蓬朮

各五錢

三稜

一兩

砂仁

薑黃

甘松

白豆蔻

甘草 各一兩半 陳皮 七錢 香附子 三兩

右爲末滴水丸麻子大每服三五十九薑湯白

湯任下

胃氣不和虛冷

第八十二問

仲陽云。胃氣不和。面光白。無精光。口中氣冷。不思食。吐水。肌瘦。虛弱。腹痛。當補脾。益黃散主之。凡人以胃氣爲本。惟治病亦然。胃氣有實有虛。實者則有痞滿。內熱之証。虛則有嘔吐不食之証。虛者益之。實者損之。欲得其平則可矣。平胃散。觀音散。銀白散。壯胃之劑。不可缺也。

益黃散

治小兒吐瀉脾虛不食米穀不化困倦力少滑腸夜起并疳虛盜汗并涎唾流頷下

陳皮

去白一兩

丁香

二錢一方用木香

訶子

去白

青皮

去白

甘艸

炙各半兩

右爲末。三歲一錢半。水半盞。煎三分食前服。

平胃散

治脾胃不和。不思飲食。心腹脇肋脹滿刺痛。口

苦無味。胸滿短氣。嘔噦惡心。噯氣吐酸。面色痿

黃。體弱肌瘦。怠惰嗜臥。體重節痛。常多自利。霍

亂痞噎隔氣翻胃。並宜服之。

厚朴

去粗皮水浸一宿剉薑汁製炒五十兩

甘艸

炙十兩

陳皮

去白十兩

蒼朮

去粗皮米泔浸一日焙乾五斤炒

右爲末。每二錢水一盞薑二片。棗二箇煎七分。去薑棗熱服。食前入鹽一捻。沸湯服。亦得。常服調氣暖胃化宿食消痰飲辟風寒暑溫四時非節之氣。

觀音散

治小兒胃氣不和嘔逆吐利

石蓮肉

去心

人參

神麴

炒各三錢

白茯苓

二錢

甘艸

炙

木香

綿黃耆

炙

白扁豆

炒去皮

白朮

各一錢

右剉散。每服二錢水一盞。棗一枚。藿香三葉煎。

空心溫服。

銀白散

治止吐瀉。壯胃氣。治糞青。

糯米

炒二兩

扁豆

炒二兩

藿香

一分

白朮

炒一分

丁香

二錢

甘艸

炙三錢

右爲末。紫蘇米飲調下。加天麻砂仁白茯苓。快脾正色。加炮白附全蝎木香石蓮薑煎服。

食積冷熱

第八十三問

巢氏云。夫宿食不消者。脾胃冷故也。小兒乳哺飲食。取冷過度。冷氣積于脾胃。胃爲水穀之海。脾氣磨而消之。胃氣調和。則乳哺消化。脾傷於冷。則宿食不消。脉沉者。傷食不化故也。亦有傷乳傷食而身熱者。惟肚腹之熱尤甚。人之傷積。肚熱糞極臭酸。而夜間有熱。傷積之明驗。人所未曉也。冷者消食丸。本香丸。夜間有熱。天明復涼。乃是傷寒夾食失解故也。當服白餅子。先與微利。次與參蘇飲。發熱地骨皮飲。秦艽散。

退熱而安。有實熱者。大柴胡湯去大黃亦可服。傷寒論人病有宿食。何以別之。師曰。寸口脈浮而大。按之反澁。故知有宿食。當下之。宜大承氣湯。其喘而發熱者。紫霜丸主之。冷症用進食丸尤佳。亦治食厥。乃四肢逆冷。面色青黑是也。或當吐而甦。有痰者。溫膽湯加減服。痰定而嘔自痊。冷症丁香丸可服。白餅子下痰亦可。

消食丸

常服寬中快氣消乳食正顏色

縮砂

陳皮

三稜

蓬朮

神麴炒

麥蘖炒

香附子

米泔浸一宿炒

枳殼

檳榔

烏梅

各五錢

丁香

二錢五分

右爲末。麴糊丸如菜豆大。食後紫蘇湯送下二

三十丸。

木香丸

常服治吐乳瀉乳食積停滯不化

木香

蓬朮

砂仁

青皮

去白

朱砂

研細

代赭

研各二錢

大丁香

一錢

川巴豆肉

去油

右爲末和勻。飛白麴糊丸麻子大。風乾。每服二

三丸。乳傷乳汁下。食傷米飲下。

丁香丸

丁香

砂仁

二十粒

史君子肉

五箇

烏梅肉

巴豆肉

各三箇
去油

右爲末爛飯丸麻子大每服二三丸陳皮湯下。

虛實腫脹

第八十四問

議曰腫脹二症此由虛中有積久患失治日漸傳變
症候多端隨輕重察盛衰審表裏以主治先固其本
後正其標斯無恙矣有濕腫有毒氣腫傷寒虛腫瀉
痢虛腫氣血虛腫有肝脹氣脹癥積脹鎖肚脹腕膈
脹食膨脹蛔氣脹虛冷積脹以上腫脹虛積竝當下
之各有其法其受濕於脾胃久不剋化氣浮四肢頭
面皆腫食毒氣由脾胃傷之冷積毒氣停畱于腕膈
致虛入腹作腫傷寒下之太蚤乘虛入腹作腫瀉利